

KJKP "RAD" d.o.o. SARAJEVO

-DIREKTORICA-

Broj: 05-03-04-8635 /20

Sarajevo, 27.05.2020. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktorica donosi

ODLUKU

I

Poništava se Obavještenje o nabavci ložišta za grijanje termalnog ulja i razvodnih cijevi na Asfaltnoj bazi KJKP "RAD" broj 83-7-1-250-3-78/20 od 29.04.2020.godine, te će biti ponovo objavljeno.

OBRAZLOŽENJE

KJKP, "RAD" d.o.o. Sarajevo je dana 29.04.2020.god. Odlukom br.5-03-04-6617/2020 od 23.04.2020.god. , pokrenulo postupak nabavke ložišta za grijanje termalnog ulja i razvodnih cijevi na Asfaltnoj bazi KJKP "RAD"

Postupak objavljen na Portalu Agencije za javne nabavke 29.04.2020.godine, a sa krajnjim rokom za dostavu ponuda do 20.05.2020.god. Po zahtjevu Ugovornog organa pristigla je jedna (1) ponuda i to ponuda firme „MC AUTOMETAL“ d.o.o. Višegrad (Ponuda br.1905/20-1)

Ponuđač uredno preuzeo Tendersku dokumentaciju sa Portala Agencije za javne nabavke dana 30.04.2020.godine. (Dokaz Izvještaj koji čini sastavni dio ovog Zapisnika).

Otvaranje ponuda održano u skladu sa zakazanim terminom 20.05.2020.godine u 12:15h, a uz prisustvo Komisije za nabavku.

Prilikom pregleda Ponude uočeni nedostaci u istoj. Ponuđač „MC AUTOMETAL“ d.o.o. Višegrad propustio dostaviti slijedeće dokaze tražene tenderskom dokumentacijom:

- **Izvještaj Centralne banke o stanju transakcijskih računa** (Uvjerenja Centralne banke BiH kojom se dokazuje da u zadnjih 90 dana računi ponuđača nisu bili blokirani)
Ponuđač je umjesto traženog Izvještaja iz Centralne banke dostavio Potvrdu matične banke (Nova Banka AD Banja Luka), a što je u suprotnosti sa uslovima traženim TD.
- Dalje, Ponuđač propustio dostaviti **Potvrde o uredno izvršenim ugovorima**.
Naime isti je dostavio Izjavu ponuđača bez predočavanje dokaza o učinjenim pokušajima da se takve potvrde osiguraju.

Članom 48. stav (2) jasno je definisano da ukoliko ugovorni organ zahtijeva dokaz o uredno provedenim ugovorima, taj se dokaz podnosi u obliku popisa provedenih ugovora uz potvrdu koju daje druga ugovorna stranka o njihovoj realizaciji. U slučaju da takvu potvrdu iz objektivnih razloga ne može dobiti od ugovorne stranke koja nije ugovorno tijelo, vrijedi izjava

privrednog subjekta o uredno provedenim ugovorima **uz predočavanje dokaza o učinjenim pokušajima da se takve potvrde osiguraju.**



Ponuda ponuđača „MC AUTOMETAL“ d.o.o. Višegrad se odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14) iz razloga jer navedeni ponuđač nije dostavio tražene dokaze o ispunjavanju uslova ekonomske i finansijske sposobnosti, tehničke i profesionalne sposobnosti iz članova 47., 48. i 49. Zakona o javnim nabavkama.

Pozivajući se na član. 68. stav (4) tačka i) i na član. 69. stav (2) tačka d) Zakona o javnim nabavkama (“Sl. glasnik BiH”, broj 39/14), Komisija za nabavku daje preporuku Ugovornom organu da postupak nabavke ložišta za grijanje termalnog ulja i razvodnih cijevi na Asfaltnoj bazi KJKP“RAD“ poništi i ponovo objavi.

Smatram da je Komisija pravilno postupila kada je uzela u obzir gore navedene činjenice i kada je predložila da se obavještenje o nabavci poništi i ponovo objavi. Iz tog razloga prihvatom prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP “RAD”, u pisanoj formi u roku od 5 dana od dana kada je podnosilac saznao ili je trebao da sazna za navodnu povredu Zakona u toku konkretnog postupka.

 **DIREKTORICA KJKP „RAD“ d.o.o.**
Vera Arnautović, dipl. pravnik


DOSTAVITI:

- Ponuđačima;
- Direktor
- Komercijalnoj službi
- a/a